



## **Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

§. I. An servus possit licitè, & validè contrahere matrimonium invito, vel ignorante domino; quâ ratione error statûs seu conditionis servilis dirimat matrimonium, & quo jure?

---

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

juge quoad thorum sit separandus, & responderetur negativè, quia à Christo Sacramenti matrimonii institutore, propter fornicationem, sive adulterium tantum separatio quoad thorum conceditur. Secundò, an leprosi contrahere matrimonium possint, & responderetur affirmativè, quia nullo jure matrimonium eis prohibuitur. Tertiò, an conjuges leprosi debeant sibi invicem reddere de-

bitum conjugale, & iterum responderetur affirmativè, juxta generale præceptum *Aposto. 1. ad Corin. 7.* quo uxori vir debitum reddere præcipitur, & similiter uxor viro, nisi ex judicio fortasse Medicorum, in notabile damnum alterius partis hoc cederet, cum obligatio hæc locum non habeat, nisi salva maneat individui reddentis incolumitas.

TITVLVS IX.

DE CONJUGIO SERVORUM.

§. I.

*An servus possit licitè, & validè contrahere matrimonium invito, vel ignorante domino; & quâ ratione error status seu conditionis servilis dirimat matrimonium, & quo jure?*

Conditionem servilem impedimentum dirimens esse, quo minus cum libera v. g. à servo matrimonium contractum valeat, si conditionem servilem illa ignoret, colligitur ex *c. Proposuit 2. h. t.* cum enim error conditionis servilis valde repugnet bonis matrimonii, noluit Ecclesia talia matrimonia valida esse, si ignoretur conditionis servilis status à contrahente, libera v. g. quamvis si utraque contrahentium pars servilis conditionis sit, valeat matrimonium, invito etiam & contradicente domino contractum, uti patet etiam ex *c. 1. h. t.* cum concessum jure naturæ

*Compend. Pirbing.*

matrimonium ob bonum tam publicum, quam privatum, negari his non debeat, qui ad servitia consueta adhuc obligantur Dominis suis, & sic matrimonium tale nemini præjudicans sit, & valeat etiam matrimonium, quod libera cum servo contrahit, quem scit servum esse, cum in tali casu scientiæ suo juri, & præjudicio cedere videatur; noluit tamen eorum matrimonia valere Ecclesia, quæ libera v. g. ignorantes servilem conditionem alterius, cum quo contrahunt, inire attentant, ut ne graviter huic ignorantanti per tale matrimonium præjudicetur, & bonum etiam publicum patiatur.

§. II.

*An, & quando proles quoad libertatem & servitutem sequitur conditionem non matris, sed Patris:*

DE jure quidem communi partus sequitur conditionem matris, quoad

RE E LIBER-